



Broj: 12-11-15-886/21  
Sarajevo, 30. 3. 2021. godine

Na osnovu člana 70. Zakona o javnim nabavkama („Službeni glasnik BiH“, broj: 39/14) i preporuke iz Zapisnika o ponovnom postupku pregleda i ocjene ponuda Komisije za provođenje postupka nabavke usluga za održavanje i servisiranje službenih vozila za potrebe Ureda za reviziju institucija u Federaciji BiH za budžetsku 2021. godinu, broj: 12-11-15-92-15-1/21 od 29. 3. 2021. godine, generalni revizor donosi

## ODLUKU

### o poništenju postupka javne nabavke usluga održavanja i servisiranja službenih vozila u dijelu lota 3

#### I

Poništava se postupak javne nabavke usluga održavanja i servisiranja službenih vozila putem konkurentskog zahtjeva za dostavu ponuda u dijelu lota 3 – usluge održavanja i servisiranja službenih vozila u garantnom roku marke Volkswagen, iz razloga što dostavljena ponuda nije potpuna i ne ispunjava zahtjeve iz tenderske dokumentacije.

#### II

Zadužuje se Odjeljenje za pravne i opće poslove i ljudske resurse da ovu Odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove Odluke, elektronskom poštom, preporučenom poštom ili neposredno.

#### III

Ova Odluka stupa na snagu danom donošenja i objavit će se na internet - stranici Ureda za reviziju institucija u Federaciji Bosne i Hercegovine: [www.vrribih.ba](http://www.vrribih.ba), sa upućivanjem iste ponuđačima koji su sudjelovali u postupku javne nabavke, saglasno članu 70. stav (6) i 71. stav (2) Zakona.

## Obrazloženje

Odlukom o pokretanju postupka javne nabavke broj 12-11-15-92/21 od 12. 1. 2021. godine Ured za reviziju institucija u Federaciji Bosne i Hercegovine (u daljem tekstu: Ugovorni organ) pokrenuo je postupak javne nabavke usluga održavanja i servisiranja službenih vozila putem konkurentskog zahtjeva za dostavu ponuda za potrebe Ureda za reviziju institucija u Federaciji Bosne i Hercegovine.

U skladu sa odredbama člana 35. Zakona, Obavještenje o javnoj nabavci broj 296-7-2-3-3-4/21 objavljeno je na Portalu javnih nabavki 26. 1. 2021. godine.

Postupak je provela Komisija imenovana Rješenjem generalnog revizora broj: 12-11-15-92-1/21 od 21. 1. 2021. godine, koja je o istom sačinila: Zapisnik o zaprimanju ponuda od 18. 2. 2021. godine, Zapisnik o otvaranju ponuda od 18. 2. 2021. godine, Analitički prikaz traženih i dostavljenih dokumenata – Kvalifikacija ponuđača broj: 12-11-15-92-14/21 od 18. 2. 2021. godine, Zapisnik o pregledu i ocjeni ponuda broj: 12-11-15-92-15/21 od 18. 2. 2021. godine.

U postupku pregleda i ocjene ponuda utvrđeno je sljedeće:

- Ugovornom organu ponude su dostavila tri ponuđača i to: GUMA-M d.o.o., Saradis d.o.o. i AC QUATTRO d.o.o.
- Za Lot 1 – usluge održavanje i servisiranje službenih vozila van garantnog roka marke AUDI i za Lot 2 – usluge održavanje i servisiranje službenih vozila van garantnog roka marke Volkswagen ponudu su dostavili ponuđači GUMA-M d.o.o., Saradis d.o.o. i AC QUATTRO d.o.o.
- Za Lot 3 – usluge održavanje i servisiranje službenih vozila u garantnom roku marke Volkswagen ponudu je dostavio ponuđač AC QUATTRO d.o.o.
- U Zapisniku o pregledu i ocjeni je konstatovano sljedeće:

Iz analitičkog prikaza traženih i dostavljenih dokumenata konstatuje se da ponuđač GUMA-M d.o.o. Mostar nije dostavio dokumentaciju traženu tenderskom dokumentacijom, kojom bi dokazao da njegove kvalifikacije zadovoljavaju uslove utvrđene u tenderskoj dokumentaciji i ispunjavanju minimalne kvalifikacione uslove koji su traženi konkurentskim zahtjevom. Nije dostavljena dokumentacija/izjava o posjedovanju lakirnice i komore za sušenje laka.

Iz analitičkog prikaza traženih i dostavljenih dokumenata konstatuje se da ponuđač SARADIS d.o.o. Vogošća nije dostavio dokumentaciju traženu tenderskom dokumentacijom, kojom bi dokazao da njegove kvalifikacije zadovoljavaju uslove utvrđene u tenderskoj dokumentaciji i ispunjavanju minimalne kvalifikacione uslove koji su traženi konkurentskim zahtjevom. Nije dostavljena dokumentacija/izjava o posjedovanju lakirnice i komore za sušenje laka.

Iz analitičkog prikaza traženih i dostavljenih dokumenata konstatuje se da ponuđač AC QUATTRO d.o.o. Sarajevo nije dostavio dokumentaciju traženu tenderskom dokumentacijom, kojom bi dokazao da ispunjavaju minimalne kvalifikacione uslove koji su traženi konkurentskim zahtjevom. Nije dostavljena dokumentacija/izjava o posjedovanju lakirnice i komore za sušenje laka.

Na prijedlog Komisije donesena je Odluka o poništenju postupka javne nabavke broj: 12-11-15-620/21 od 3. 3. 2021. godine (u daljem tekstu: Odluka o poništenju)

Ponuđač Saradis d.o.o. je na protokol Ugovornog organa blagovremeno dostavio žalbu izjavljenu na Odluku o poništenju. Žalba je zaprimljena 8. 3. 2021. godine i protokolirana pod brojem: 12-11-15-92-13-5/21.

Ugovorni organ je usvojio žalbu, poništio Odluku o poništenju te postupak vratio u fazu ponovne evaluacije ponuda.

Komisija je nakon ponovnog postupka pregleda i ocjene ponuda dostavila Analitički prikaz traženih i dostavljenih dokumenata – Kvalifikacija ponuđača broj: 12-11-15-92-14-1/21 od 29. 3. 2021. godine i Zapisnik o ponovnom postupku pregleda i ocjene ponuda broj: 12-11-15-92-15-1/21 od 29. 3. 2021. godine.

- U Zapisniku o ponovnom postupku pregleda i ocjena je konstatovano slijedeće:

Iz analitičkog prikaza traženih i dostavljenih dokumenata konstatuje se da ponuđač GUMA-M d.o.o. Mostar nije dostavio dokumentaciju traženu tenderskom dokumentacijom, kojom bi dokazao da njegove kvalifikacije zadovoljavaju uslove utvrđene u tenderskoj dokumentaciji i ispunjavanju minimalne kvalifikacione uslove koji su traženi konkurentskim zahtjevom. Nije dostavljena dokumentacija/izjava o raspolaganju lakirnicom i komorom za sušenje laka.

Iz analitičkog prikaza traženih i dostavljenih dokumenata konstatuje se da ponuđač AC QUATTRO d.o.o. Sarajevo nije dostavio dokumentaciju traženu tenderskom dokumentacijom, kojom bi dokazao da ispunjavaju minimalne kvalifikacione uslove koji su traženi konkurentskim zahtjevom. Nije dostavljena dokumentacija/izjava o raspolaganju lakirnicom i komorom za sušenje laka.

Komisija je predložila da Ugovorni organ za lot 3 - Usluge održavanja i servisiranja službenih vozila u garantnom roku marke Volkswagen, donese odluku o poništenju, obzirom da ponuda koja je dostavljena ne zadovoljava uslove koji su traženi tenderskom dokumentacijom.

Imajući u vidu navedeno, Ugovorni organ dužan je odbaciti ponudu u skladu sa članom 68. stav (4) tačka i) Zakona o javnim nabavkama, te se, shodno primjeni člana 69. stav 2. tačka d), postupak nabavke usluga održavanja i servisiranja službenih vozila, u dijelu lota 3 poništava.

**Pouka o pravnom lijeku:** Protiv ove Odluke, u skladu sa članom 97. i članom 101. Zakona o javnim nabavkama, može se izjaviti žalba Ugovornom organu – Uredu za reviziju institucija u Federaciji BiH, najkasnije u roku od 5 (pet) dana od dana zaprimanja odluke.

Žalba se izjavljuje Uredu za razmatranje žalbi/kancelarija za razmatranje žalbi – Filijala/podružnica Mostar, putem Ugovornog organa, u pisanoj formi, direktno ili preporučenom pošiljkom.

Žalba se podnosi u najmanje 3 (tri) primjerka.

Dostaviti:

- AC QUATTRO d.o.o.,
- u spis predmeta nabavke,
- a/a.

